



Broj: 02-11-4-6849-6/24

Datum: 02.09.2024. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka b) i stav (2) tačka d), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, 39/14, 59/22 i 50/24) člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 44/23) i preporuke Komisije za nabavku računarske opreme i tableta za potrebe Uprave policije Ministarstva unutrašnjih poslova Kantona Sarajevo, imenovane Rješenjem broj: 02/5-1-30-1-6061 od 21.05.2024. godine, u postupku javne nabavke računarske opreme i tableta za potrebe Uprave policije Ministarstva unutrašnjih poslova Kantona Sarajevo, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O PONIŠTENJU POSTUPKA JAVNE NABAVKE
RAČUNARSKE OPREME (LOT 5 - Dokument skeneri)

I

Poništava se postupak javne nabavke računarske opreme i tableta za potrebe Uprave policije Ministarstva unutrašnjih poslova Kantona Sarajevo - LOT 5 - Dokument skeneri i to iz razloga što nijedna od primljenih ponuda nije prihvatljiva.

II

Ova odluka stupa na snagu danom donošenja, objavit će se na web stranici www.mup.ks.gov.ba i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-6849/24 od 02.07.2024. godine i Obavještenja o nabavci broj: 16475-1-1-77-3-96/24 od 04.07.2024. godine, proveden je postupak javne nabavke, putem otvorenog postupka, za nabavku računarske opreme i tableta za potrebe Uprave policije Ministarstva unutrašnjih poslova Kantona Sarajevo.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik, broj: 02-11-4-6849/24 od 25.07.2024. godine.

Prema Zapisniku sa otvaranja ponuda broj: 02-11-4-6849/24 od 25.07.2024. godine, za aktivno učešće u postupku dostavljene su ponude ponuđača za:

- LOT 5 - Telnet d.o.o. Sarajevo i Elur d.o.o. Kiseljak,

Komisija za nabavku računarske opreme i tableta za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-6849-4/22 od 29.08.2024. godine, kojim je utvrdila sljedeće:

- da su za LOT 5 - Dokument skeneri, pristigle dvije ponude i to od: ponuđača Elur d.o.o. Kiseljak i ponuđača Telnet d.o.o. Sarajevo.

- Ponuda ponuđača Elur d.o.o. Kiseljak je nepotpuna i ne ispunjava uslove tražene tenderskom dokumentacijom. Naime, Tehničkom specifikacijom za LOT 5, a koja je data kao Aneks III - Obrazac za cijenu ponude predmetne tenderske dokumentacije je traženo sljedeće:
 - **Dokument skeneri**
 - **Tip:** Office Document Scanner
 - **Uvlačenje dokumenta:** Automatski/Ručno
 - **Dokument ulagač:** ADF
 - **Senzorska jedinica za skeniranje:**
 - CMOS CIS 1 Line Sensor
 - **Optička rezolucija:** min. 600dpi
 - **Light source:** RGB LED
 - **Skeniranje:** Naprijed / Nazad / Duplex
 - **Skeniranje crno-bijelo:** min. 30 ppm/60 ipm
 - **Skeniranje boja:** min. 30 ppm/60 ipm
 - **Sučelje:** High speed USB 2.0
 - **Težina:** max. 3 kg
 - **Preporučeni dnevni ciklus rada:** min. 3500 scans
 - **Kapacitet ulagača:** max. 60-listova (80g/m²)
 - **Dubina boje:** min. 24-bit (External)
 - **Dubina crno bijelog bita:** min. 8-bit (External)
 - **Konekcija:** min. High speed USB 2.0
 - **Windows:**
 - ISIS / TWAIN Driver (Windows 7 SP1 / 8.1 / 10, Windows Server 2008 R2 SP1 / Server 2012 R2 / Server 2016); CaptureOnTouch Pro; CapturePerfect
 - **Potrošnja energije:** max. 19 W
 - **Ostalo:**
 - CD za instalaciju, dokumentacija, USB Kabal, AC adapter i kabal za napajanje
- **Garantni period:** Minimalno 12 (dvanaest) mjeseci garancije proizvođača od dana isporuke.

Uvidom u dostavljenu katalošku dokumentaciju izdatu od proizvođača "Canon Electronics Inc.", a koju je ponuđač Elur d.o.o. Kiseljak dostavio uz svoju ponudu za LOT 5, vidljivo je da je ponuđač Elur d.o.o. Kiseljak je ponudio uređaj prosječne težine 3,3 kg i uređaj koji prilikom skeniranja troši 22,5 W. Naprijed navedeno predstavlja odstupanje od zadatih tehničkih karakteristika obzirom da je tražena težina uređaja do maksimalno 3 kg, te uređaj čija je potrošnja energije maksimalno 18 W. Shodno navedenom, ponuda ponuđača Elur d.o.o. Kiseljak za LOT 5 nije prihvatljiva jer ne ispunjava uslov iz tačke 13.3. a) Tenderske dokumentacije - Tehnička i profesionalna sposobnost u postupku nabavke roba, obzirom da Tehničkom dokumentacijom/katalogom nije potvrđeno zadovoljavanje traženih uslova iz tehničke specifikacije a koja je data u Aneksu III - Obrazac za cijenu ponude, te se u skladu sa članom 68 stav (1) i (4) tačka i) Zakona o javnim nabavkama odbacuje.

- Ponuda ponuđača Telnet d.o.o. Sarajevo je nepotpuna i ne ispunjava uslove tražene tenderskom dokumentacijom.

Naime, uvidom u dostavljenu katalošku dokumentaciju izdatu od proizvođača "Brothers", a koju je ponuđač Telnet d.o.o. Sarajevo dostavio uz svoju ponudu za LOT 5, vidljivo je da je ponuđač Telnet d.o.o. Sarajevo je ponudio uređaj koji prilikom skeniranja troši 24 W i čiji je kapacitet ulagača 80 listova. Naprijed navedeno predstavlja odstupanje od zadatih tehničkih karakteristika obzirom da je tražen uređaj čija je potrošnja energije maksimalno 18 W i čiji je kapacitet ulagača maksimalno 60 listova.

Shodno navedenom, ponuda ponuđača Telnet d.o.o. Sarajevo za LOT 5 nije prihvatljiva jer ne ispunjava uslov iz tačke 13.3. a) Tenderske dokumentacije - Tehnička i profesionalna sposobnost u postupku nabavke roba, obzirom da Tehničkom dokumentacijom/katalogom nije potvrđeno zadovoljavanje traženih uslova iz tehničke specifikacije a koja je data u Aneksu III - Obrazac za cijenu ponude, te se u skladu sa članom 68 stav (1) i (4) tačka i) Zakona o javnim nabavkama odbacuje.

O izvršenom pregledu i ocjeni ponuda Komisija je sačinila Zapisnik o pregledu i ocjeni ponuda broj: 02-11-4-6849-4/24 od 29.08.2024. godine, sa preporukom o donošenju odluke o poništenju postupka.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav (1) tačka b) i stav (2) tačka d) Zakona o javnim nabavkama ("Službeni glasnik BiH", broj 39/14, 59/22 i 50/24), riješeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.

Dostaviti:

1. Sektoru za materijalno-finansijske poslove
2. Ponuđačima x 2
3. Odjeljenju za odnose s javnošću, radi objave na web stranici ovog organa
4. a/a

POLICIJSKI KOMESAR
Generalni inspektor policije

Fatmir Haidarević

